

GJALDSKRÁ

Rafmagnsveitu Reykjavíkur.

A-HLUTI.

ALMENNIR SKILMÁLAR.

1. gr.

Almennt.

Gjaldskrá þessi gildir fyrir orkuveitusvæði Rafmagnsveitu Reykjavíkur.

Gjaldskráin tekur til afhendingar og sölu rafmagns á lágspennu. Heimilt er með samþykki borgarráðs að selja rafmagn á háspennu samkvæmt sérstökum samningi.

Gjaldskráin skiptist í tvo hluta:

A-HLUTI gjaldskrár fjallar um almenna skilmála um orkuafhendingu á orkuveitusvæði Rafmagnsveitunnar. Í þessum hluta er skilgreining á raforkutöxtum, heimtaugagjöldum, mælaleigu, tengigjaldi, álestrargjaldi, innheimtugjaldi auk annarra ákvæða.

B-HLUTI gjaldskrár sýnir gildandi raforkuverð og önnur gjöld á hverjum tíma.

Virðisaukaskattur bætist við öll gjöld samkvæmt gjaldskrá þessari, nema húshitun.

Skammstafanir

Tákn	Eining	Skýring
A	amper	straumur
kW	kílówatt	afl
kWst	kílówattstund	orka

Skilgreiningar

Notandi: viðskiptamaður, sem kaupir orku um einn mæli (eina veitu).

Orkukaupandi: viðskiptamaður, sem kaupir orku um einn eða fleiri mæla (veitur).

Veita: rafkerfi notanda með einn mæli.

Ársnotkun: fjöldi kWst sem notaðar eru á einu ári (365 dögum).

Afltoppur: mesta melda afl (kW) yfir árið.

2. gr.

Raforkugjöld.

2.1 Almenn orkunotkun.

Almennir taxtar skiptast í tvo þætti, fast gjald og orkugjald:

- fast gjald (kr/ár) felur í sér kostnað óháðan rafmagnsnotkun, m.a. vegna álestrar, útgáfu reikninga og mælingar á orku.
- orkugjald (kr/kWst) greiðist fyrir hverja melda orkueiningu og er í beinu hlutfalli við orkunotkun veitunnar.

Hjá notendum á almennum taxta er að jafnaði lesið á mæla einu sinni á ári. Hjá stærri notendum er í sumum tilfellum lesið oftar.

A.1 Almenn notkun:

Taxta A.1 gildir fyrir alla almenna orkunotkun minni en 200.000 kWst á ári. (Sjá einnig taxta B.1, Afl- og orkunotkun, varðandi notendur með ársnotkun minni en 200.000 kWst).

Notanda með vaxandi rafmagnsnotkun, sem keypt hefur orku samkvæmt taxta A.1, er heimilt að greiða samkvæmt þeim taxta þar til hann nær 220.000 kWst ársnotkun. Verði notkun meiri en 220.000 kWst á ári, er notkun verðlögð samkvæmt taxta B.1.

A.2 Bráðabirgðanotkun:

Taxti A.2 gildir fyrir rafmagn til notkunar við byggingaframkvæmdir og aðra mannvirkja-gerð svo og til skammtímanotkunar.

Verði orkunotkun meiri en 200.000 kWst á ári, er notanda heimilt að kaupa orku samkvæmt taxta B.1.

A.4 Sumarhúsanotkun:

Taxti A.4 gildir fyrir rafmagnsnotkun í sumarhúsum, bæði almenna notkun og rafhitun. Öll raforka er afhent órofin.

Orkukaup til rafhitunar í sumarhúsum samkvæmt taxta R.1 eru ekki heimil.

Sé notkun takmörkuð getur notandi keypt orku til sumarhúsa samkvæmt taxta A.1.

2.2 Afl- og orkunotkun.

Afltaxtar eru tveir, taxti B.1 fyrir alla almenna orkusölu og taxti B.2 fyrir útilýsingu.

Afltaxtar skiptast í þrjá þætti, fast gjald, aflgjald og orkugjald.

B.1 Afl- og orkumæling:

Taxti B.1 gildir fyrir alla orkunotkun, sem er 200.000 kWst ári og yfir. Orkukaupanda er ekki heimilt að skipta orkunotkun sinni um sömu heimtaug á almennan taxta og afltaxta.

Taxti B.1 skiptist í þrjá þætti, fast gjald, aflgjald og orkugjald:

— fast gjald (kr/ár) felur í sér kostnað óháðan rafmagnsnotkun, m.a. vegna álestrar, útgáfu reikninga og mælingar á afli og orku.

— aflgjald (kr/kW/ár) greiðist fyrir hverja melda afleiningu.

— orkugjald (kr/kWst) greiðist fyrir hverja melda orkueiningu. Greitt er mismunandi verð fyrir sumar- og vetrarnotkun. Vetrarorkuverð gildir á tímabilinu 1. október til 30. apríl, sumarorkuverð gildir á tímabilinu 1. maí til 30. september.

Afl er reiknað á ársgrundvelli og greiðir notandinn hæsta afltopp (kW) á árinu, óháð því hvenær afltoppurinn mælist. Aflgjald greiðist samkvæmt mælingu miðað við 15 mínútna meðalgildi afls.

Lesið er mánaðarlega á aflmæla. Hæsti mánaðartoppur er síðan færður sem hæsti afltoppur ársins.

Notandi greiðir mánaðarlega fyrir orkunotkun (kWst) síðasta tímabils (mánaðar) samkvæmt álestri. Jafnframt greiðir hann inn á áætlaðan afltopp ársins (kW). Áætluin byggist á hæsta mánaðartoppi, sem mælt hefur á yfirstandandi ári. Reynist mældur mánaðartoppur hærri en hinn áætlaði greiðir notandi mismuninn.

Notanda með ársnotkun minni en 200.000 kWst er heimilt að kaupa raforku samkvæmt taxta B.1, sé það honum hagstætt. Notandi skal þá greiða lágmark 200.000 kWst á ári en afltoppur greiðist samkvæmt mælingu.

Notanda með vaxandi rafmagnsnotkun, sem keypt hefur orku samkvæmt taxta A.1, er heimilt að greiða samkvæmt þeim taxta þar til hann nær 220.000 kWst ársnotkun. Fari notkun yfir 220.000 kWst á ári, er notkun flutt á taxta B.1.

Notandi á taxta B.1 er fluttur á taxta A.1 verði ársnotkun minni en 200.000 kWst og sé taxti B.1 honum óhagkvæmur. Ella greiðir notandi áfram samkvæmt taxta B.1.

B.2 Útilýsing:

Taxti B.2 gildir fyrir alla útilýsingu, þar með talið götulýsingu. Rof tími er breytilegur eftir árstíðum og fylgir dagsbirtu.

Taxti B.2 skiptist í tvo þætti, aflgjald og viðhaldsgjald:

— aflgjald (kr/kW/ár) er gjald greitt fyrir ástipulað afl ljósbúnaðar.

— viðhaldsgjald (kr/kW/ár) greiðist fyrir þjónustu Rafmagnsveitunnar vegna viðhalds og eftirlits á viðkomandi ljósbúnaði.

Notandi getur valið um hvort hann annist viðhald og eftirlit sjálfur eða kaupi þá þjónustu af rafmagnsveitunni.

Rafmagnsveitan setur upp ljósbúnað til úti- og götulýsingar samkvæmt óskum notanda. Ljósbúnaður skal fullnægja kröfum Rafmagnsveitunnar. Notandi greiðir stofnkostnað að fullu.

2.3 Rofin orkunotkun.

R-taxtar gilda fyrir rofna orkuafhendingu. Sala rafmagns samkvæmt R-töxtum er bundin því skilyrði, að veitukerfið þoli álagið að dómi Rafmagnsveitunnar.

Öll tæki og búnaður skulu vera fasttengd. Ekki er heimilt að hafa tengla í veitum þar sem notkun greiðist samkvæmt R-töxtum.

R-taxtar skiptast í tvo þætti, fast gjald og orkugjald:

- fast gjald (kr/ár) felur í sér kostnað óháðan rafmagnsnotkun, m.a. vegna álestrar, útgáfu reikninga og mælingar á orku.
- orkugjald (kr/kWst) greiðist fyrir hverja melda orkueiningu. Notandi með orkunotkun minni en 200.000 kWst á ári greiðir eitt orkugjald. Notandi með 200.000 kWst ársnotkun og yfir greiðir mismunandi verð fyrir sumar- og vetrarnotkun. Vetrarnotkunverð gildir á tímabilinu 1. október til 30. apríl, sumarorkuverð gildir á tímabilinu 1. maí til 30. september.

Rafmagn til húshitunar er undanþegið virðisaukaskatti.

Rafmagn samkvæmt taxta R.1 og R.2 er rofið tvisvar á sólarhring, allt að tveimur klukkustundum í hvort skipti. Rofið er á tímabilinu kl. 10:00 til 12:30 og kl. 17:00 til 19:30.

Notandi getur valið um tvö tímabil innan ársins, þar sem rafmagn er rofið:

nóvember-febrúar og desember-janúar. Orkugjald er mismunandi eftir því hvort roftímabilið er valið. Utan viðkomandi tímabils er rafmagn órofið allan sólahringinn.

R.1 Rofin orkunotkun minni en 200.000 kWst á ári:

Taxti R.1 gildir fyrir rofna orkunotkun minni en 200.000 kWst á ári. Notandi greiðir eitt orkuverð.

Roftímar eru samkvæmt skilgreiningu hér að framan.

Notanda með vaxandi rafmagnsnotkun, sem keypt hefur orku samkvæmt taxta R.1, er heimilt að greiða samkvæmt þeim taxta þar til hann nær 220.000 kWst ársnotkun. Fari notkun yfir 220.000 kWst á ári, er notkun flutt á taxta R.2.

R.2 Rofin orkunotkun 200.000 kWst á ári og yfir:

Taxti R.2 gildir fyrir rofna orkunotkun, sem er 200.000 kWst á ári og yfir. Notandi greiðir vetrarnotkunverð (október-apríl) og sumarorkuverð (maí-september).

Roftímar eru samkvæmt skilgreiningu hér að framan.

Notandi, sem greiðir samkvæmt taxta R.2, er fluttur á taxta R.1 verði ársnotkun minni en 200.000 kWst og sé taxti R.2 honum óhagkvæmur. Ella er notkun áfram á taxta R.2 þar til ársnotkun verður minni en 180.000 kWst, þá er notkun flutt á taxta R.1.

R.3 Næturorkunotkun minni en 200.000 kWst á ári:

Taxti R.3 gildir fyrir rafmagn að nóttu, þar sem ársnotkun er minni en 200.000 kWst. Notandi greiðir eitt orkugjald.

Orkuafhending samkvæmt taxa R.3 er rofin allt að 12 klukkustundum á sólahring á tímabilinu kl. 9:00 til kl. 21:00. Rof tíminn gildir allt árið.

Notanda með vaxandi rafmagnsnotkun, sem greitt hefur orkunotkun samkvæmt taxa R.3, er heimilt að greiða samkvæmt þeim taxa þar til hann nær 220.000 kWst ársnotkun. Verði ársnotkun meiri en 220.000 kWst, er notkun flutt á taxa R.4.

R.4 Næturorkunotkun 200.000 kWst á ári og yfir:

Taxti R.4 gildir fyrir rafmagn að nóttu, þar sem ársnotkun er 200.000 kWst á ári og yfir. Notandi greiðir vetrarorkuverð (október-apríl) og sumarorkuverð (maí-september).

Rafmagn samkvæmt taxa R.4 er rofið allt að 12 klukkustundum á sólahring á tímabilinu kl. 9:00 til kl. 21:00. Rof tíminn gildir allt árið.

Notandi á taxa R.4, er fluttur á taxa R.3 verði ársnotkun minni en 200.000 kWst og taxti R.4 er honum óhagkvæmur. Ella er notkun áfram á taxa R.4 þar til ársnotkun verður minni en 180.000 kWst, þá er notkun flutt á taxa R.3.

3. gr.

Önnur gjöld.**3.1 Heimtaugagjöld.**

Heimtaugagjald skal greitt fyrir hverja heimtaug, er tengir húsveitu við veitukerfi Rafmagnsveitunnar.

Heimtaugagjald greiðist þegar umsókn hefur verið samþykkt af rafmagnsveitunni.

Málstraumur heimtaugar miðast við stærð stofnvara húsveitu. Hámarksstærð heimtaugar samkvæmt gjaldskrá er 2400 A. Óski notandi eftir stærri heimtaug, er gerður um það sérstakur samningur. Slíkur samningur tekur til afhendingarspennu, afhendingar heimtaugar, heimtaugagjalds, mælingar og orkuverðs.

Sé fyrirsjáanlegt, vegna fjarlægðar eða annarra aðstæðna, að kostnaður við lagningu heimtaugar verði meira en 50% hærri en gildandi gjaldskrá segir til um, skal greiða þann kostnað, sem umfram 50% er, samkvæmt nánari ákvörðun Rafmagnsveitunnar.

Óski eigandi húsveitu eftir að heimtaug sé lögð þegar frost er í jörðu, skal hann greiða aukagjald samkvæmt nánari ákvörðun rafmagnsveitunnar.

Sé nauðsynlegt að setja upp dreifistöð (spennistöð) vegna tiltekinnar húsveitu, og ef hún er að mestu leyti notuð í þágu þeirrar húsveitu, er eiganda veitunnar skylt að leggja rafmagnsveitunni til lóð eða húsnæði undir stöðina samkvæmt sérstöku samkomulagi. Hann skal í öllu hlíta skilmálum rafmagnsveitunnar um stærð lóðar og staðsetningu stöðvar.

H.1 Aðalheimtaugar:

Þegar aðalheimtaug er breytt úr loftlínuheimtaug í jarðstrengsheimtaug, svo og þegar heimtaug er stækkuð, skal greiða fullt heimtaugagjald fyrir hina nýju heimtaug að frádregnu hálfu gjaldi hinnar fyrri heimtaugar, hvort tveggja miðað við gildandi gjaldskrá þegar breytingin fer fram.

H.2 Bráðabirgðaheimtaugar:

Lengd jarðstrengsheimtaugar reiknast í heilum metrum frá næsta útítengiskáp, eða rofa í spennistöð, að stofnvarkassa eða stofntengikassa í húsveitu. Lengdargjald skal greitt fyrir hvern metra umfram 5 metra innan lóðarmarka í jarðstrengsheimtaug.

Lengdargjald fyrir loftlínuheimtaug reiknast fyrir hvern stólpa umfram einn frá lágspennukerfi Rafmagnsveitunnar að stofnvarkassa eða stofntengikassa í húsveitu.

H.3 Sumarhúsaheimtaugar:

Heimtaugar til sumarhúsa eru 1-fasa, 35 A (8 kVA). Stærri heimtaugar til sumarhúsa en 35 A svo og 3-fasa heimtaugar greiðast samkvæmt kostnaði.

Mælatafla, sem rafmagnsveitan afhendir, er innifalin í gjaldinu. Mælataflan er staðsett utanhúss.

Heimtaugar til sumarhúsa eru afgreiddar samkvæmt gjaldskrá, óháð því hvort um þetta sumarhúsabyggð er að ræða eða einstakt sumarhús.

Verði kostnaður við tengingu einstaks sumarhúss við kerfi rafmagnsveitunnar meira en 50% hærrí en sumarhúsaheimtaugagjald samkvæmt gildandi gjaldskrá, er tengingin háð sérstöku samþykki rafmagnsveitunnar.

3.2 Mælaleiga.

Rafmagnsveitan ákveður stærð og gerð mæli- og stjórnækja, sem notuð eru við sölu rafmagns samkvæmt gjaldskrá. Mælaleiga fyrir þessi tæki er innifalin í föstum gjöldum samkvæmt 2. gr. gjaldskrár.

Óski notandi þess, leigir Rafmagnsveitan honum mælitæki til annarra nota en að framan greinir. Ársleiga fyrir slík mælitæki greiðist samkvæmt B-hluta gjaldskrár, 3. gr.

Ársleiga fyrir önnur tæki, en talin eru í B-hluta gjaldskrár, skal vera sem næst 15% af innkaupsverði tækisins, eftir nánari ákvörðun rafmagnsveitunnar.

3.3 Tengigjald.

Viðskiptamaður getur fengið tengingu við dreifikerfi Rafmagnsveitunnar vegna skammtímanotkunar.

Fyrir slíka tengingu er greitt tengigjald. Tengigjaldið er innheimt tvívegis, fyrir tengingu og fyrir aftengingu. Sé tenging (eða aftenging) framkvæmd utan venjulegs dagvinnutíma, greiðist álag á tengigjaldið. Dagvinnutími er frá kl. 8:00 til kl. 16:00 alla virka daga.

Innifalið í tengigjaldi er leiga á sérsníðaðri töflu og búnaði, tenging eða aftenging, úttekt á viðkomandi rafkerfi og akstur.

Orkunotkun vegna skammtímanotkunar gjaldfærist samkvæmt taxta A.2.

3.4 Álestrargjald.

Reglubundinn álestur mælitækja er innifalinn í raforkugjöldum samkvæmt 2. gr. gjaldskrár. Að jafnaði er lesið á mælitæki einu sinni á ári hjá minni notendum en tvisvar á ári hjá stærri notendum. Lesið er mánaðarlega á mælitæki samkvæmt taxta B.1.

Óski notandi þess, að oftast sé lesið á mælitæki, er honum gerðursérstakur reikningur fyrir þann álestur, nema um sé að ræða álestur vegna flutnings.

3.5 Innheimtugjald.

Undirbúningur að stöðvun orkuafhendingar vegna vanskila notanda telst hafinn við sendingu tilkynningar þess efnis til notandans. Sé slík tilkynning send notanda skal hann greiða innheimtugjald vegna kostnaðar við undirbúning stöðvunarinnar, þó að til hennar hafi ekki komið.

Komi til stöðvunar orkuafhendingar vegna vanskila notanda skal hann greiða gjald vegna kostnaðar við þá framkvæmd. Gjald þetta kemur til viðbótar innheimtugjaldi samkvæmt fyrri málsgrein.

4. gr.

Ýmis ákvæði.**4.1 Launafl.**

Heimilt er að ákveða sérstakt gjald fyrir launafl hjá notendum, ef úttekið launafl nemur 75% eða meira af mesta útteknu raunaflí á ári, miðað við 15 mínútna meðalgildi afls.

4.2 Gjaldskrárbreytingar.

Heimilt er að breyta gjaldskrá þessari til samræmis við lög og verðbreytingar, enda miðist gjaldskráin ætíð við það að tekjur rafmagnsveitunnar standi undir rekstri hennar, aukningu veitukerfis og arði. Við ákvörðun gjaldskrár skal ætíð liggja fyrir áætlun um rekstur og fjárfestingu á næsta 5 ára tímabili.

Gjaldskrá þessi (A-HLUTI: Almennir skilmálar) staðfestist hér með samkvæmt vatnalögum nr. 15/1923 og orkulögum nr. 58/1967, sbr. reglugerð Rafmagnsveitu Reykjavíkur nr. 451/1977, með síðari breytingum, til að öðlast gildi 1. janúar 1992 og birtist til eftirbreytni öllum sem hlut eiga að máli. Jafnframt er úr gildi felld eldri gjaldskrá sama efnis nr. 446, 25. september 1991.

Iðnaðarráðuneytið, 16. desember 1991.

F. h. r.

Björn Friðfinnsson.

Steinurh Bjarnan.

GJALDSKRÁ**Rafmagnsveitu Reykjavíkur.****B-HLUTI****RAFORKUGJÖLD OG ÖNNUR GJÖLD.**

1. gr.

Almennt.

Gjaldskrá þessi gildir fyrir orkuveitusvæði Rafmagnsveitu Reykjavíkur.

Gjaldskráin tekur til afhendingar og sölu rafmagns á lágspennu. Heimilt er með samþykki borgarráðs að selja rafmagn á háspennu samkvæmt sérstökum samningi.

Gjaldskráin skiptist í tvo hluta:

A-HLUTI gjaldskrár fjallar um almenna skilmála um orkuafhendingu á orkuveitusvæði rafmagnsveitunnar. Í þessum hluta er skilgreining á raforkutöxtum, heimtaugagjöldum, mælaleigu, tengigjaldi, álestrargjaldi, innheimtugjaldi auk annarra ákvæða.

B-HLUTI gjaldskrár sýnir gildandi raforkuverð og önnur gjöld á hverjum tíma.

Virðisaukaskattur bætist við öll gjöld samkvæmt gjaldskrá þessari, nema húshitun.